

Missingiuut

uku pillugit

Kalaallit Nunaanni qamutit assakaasullit (biilit) angissusissaat, akselinut naqitsinerit tamakkiisumillu oqimaassuseqarnissaannut tunngatillugu nalunaarut

Kalaallit Nunaanni aqqusinikkut angallannermut inatsitinni § 43, § 56, imm. 2 naapertorlugu, tak. inatsit pillugu nalunaarut nr. 995, 26. oktober 2009-imeersoq, nalunaarut nr. 664, 30. maj 2023-imeersoq naapertorlugu Aqqusinikkut angallannermut aqutsisoqarfiup, suliassaanut, pisinnaatitsissuteqarfigisaanut maalaarsinnaanermullu atatillugu periarfissat pillugit pisinnaatitsissut:

Kapitali 1

Nassuiaatit

§ 1. Nalunaarummi ataani allassimasut imatut paasineqassapput:

- 1) Silissuseq: Silissuseq qamutip anillanganerpaartai tunngavigalugit, pinagilli tarrassuutit tunummut isiginiarnermut atortut aammalu sangunissamut qulliit ikittartartut.
- 2) Takissuseq: Tassaavoq takissuseq qamutip, imal. qamutip kalitallip saarlerpaartaaniit tunorpiaanut takissuseq.
- 3) Portussuseq: Aqqusernup qaavanit qamutip portunerpaartaanut uuttugaq.
- 4) Aksel-imik naqitsineq/sunniineq: Tassaavoq naqitsineq aqqusinerimut akselip assakaasuisa akornanniittoq.
- 5) Bogietryk: Tassa tamakkiisumik qamutip akseliinut naqitsinera, aaliangiisoralugu qamutip qanoq sananeqarsimasuunera.
- 6) Tamakkiisumik oqimaassuseq: Qamutip imal. kalitaqartup tamakkiisumik akselinut naqitsinera.

Imm. 2. Nassuiaatit, nalunaarummi Kalaallit Nunaanni qamutit qanoq aqqissuussaasuunerannut atortulersugaanerannullu tunngasut aamma nalunaarummi matumani atuupput.

Kapitali 2

Angissutsit

§ 2. Qamut (biili) useqanngitsaq usilersugaasorluunniit 2,5 meterinit silinnerussanngilaq, takuulli imm. 2.

Imm. 2. Sanaartugassanut Aqqusinilerinernullu atugassanik assartuinerit pineqartillugit silinnerpaaffiusinnaasut 2.5 meterinit annerusinnaapput. Kisiannili qaangerneqassanngillat 3,3 meterit, qamutit sulliviusumit sulliviusumut assartuinerisutut. Politiilli itigartitsissutigisinnaavaat imm. 1 aamma 2 naapertorlugit assartuinerit, itigartitsinissaq immikkut ittumik pisariaqartutut nalilerunikku.

Imm. 3. Qamutit assakaasullit silittut atorneqartillugit imal. pineqartillugit qamutit usillit aqqusinertigut amitsutigut ingerlasussat, taamaattuni immikkut ittumik mianersornissat eqqummaarissuunissallu aqqusinikkoortunut allanut mianerinnittumik pinissaat atuutissaaq. Qamut silinnerpaaq, tamannalu pisariaqarpat, qamut taamaattoq talerpiata tungaanit aqquserngup sinaanut unissaaq qamutit assakaasulli allat (biilit) saneqqussinnaaqullugit.

§ 3. Qamutit motorillit usilersugaanngitsut useqartulluunniit 12 meterit sinnerlugit takissuseqassanngilat.

Imm. 2. Qamutit kalitallit usillit useqanngitsulluunniit 15,5 meterinit takinerussanngillat.

Imm. 3. Qamutit kalitalersukkat allatulluunniit usisat usilersugaanngitsulluunniit 18 meterinit takinerussanngillat.

§ 4. Qamut motorilik sunaluunniit usilik useqanngitsorluunniit 4 meterinit portunerussanngilaq.

Imm. 2. Qamut motorilik qanorluunniit poortussuseqaraluapalluunniit sullunik, ledningeqarfinnik allanilluunniit ataaqqussassanik aqqusaagaqartillugu aquttup ataaqqussinissap uloriananngitsumik ajoquusiinngitsumillu ingerlannissaa isumannaatsumik pissammat pisussaaffigivaa.

§ 5. Politiit silissutsinut, takissutsinut portussutsinulluunniit killiliussaasut qaangerneqarsinnaanerannik akuersisinnaapput, allatut iliorluni assartuisinnaaneq nalilersuilluarnikkut ingerlanneqarsainnaanngitsutut nalilerneqartillugu. Politiitit akuersissut ingerlanermi nassarneqartassaaq.

Kapitali 3

Akselimik sunniinerup annertussusia/naqinneqarnerata annertussusia

§ 6. Qamut pullattakkanik assakaasulik useqarani useqarluniluunniit aqqusinikkut ingerlaqqusaanngilaq, akseliinik naqitsineq 10.000 kilonik anneruppat imal. bogietrykimik taaneqartartoq (akselinut tamanut naqitsineq) 16.000 kilonit qaffasinneruppat. Kalitallit akselianik naqitsineq biilip kalitsisup tamakkiisumik oqimaassusianit 1,5 meriaat sinnerlugu naqinneqassanngilaq.

Imm. 2. Akselimut tamakkiisumillu naqitsinermik (bogietryk) naatsorsuinermi akselitut ataatsitut isigineqarput akuttussusiat 1 meterimit annikinneruppat.

§ 7. Qamut manissuinnarnik assakaasulik (valser), tassani ilaallutik assakaasut gummiinnaat pullattagaanngitsut, usillutik usinatilluunniit aqqusinertigut ingerlaqqusaanngillat, assakaasup aqqusinermut tunnganera attuumanerup silissusaa aallavigalugu mm-imut 10 kilonik anneruppat.

Imm. 2. Qamutit tamakkiisuk ilaannakuusumilluunniit aputaajaassuartut "qitequtaasamik assakaasullit", taakku kaavifiusunut naqitsinerat 1.500 kilonit qaffasinnerussanngillat.

§ 8. Qamutip motorillip sananeqarnerani akselimut tamakkiisumilluunniit naqitsinissaatut tunngaviusut qaangerneqartassanngillat.

§ 9. Politiit aqqusinernut ikaartarfinnullu oqartussaasut isumaqatiginninniarfigereerlugit akselit naqinneqarsinnaanerannut killiliussat qaangerneqarnissaat akuersaarsinnaavaat, assartuiniarneq allatut ingerlanneqarsinnaanngitsutut naliliigunik. Politiinit akuersissut ingerlanermi nassarneqartassaaq.

Kapitali 4

Tamakkiisumik oqimaassuseq

§ 10. Qamutit (biilit) assakaasullit pullattakkanilluunniit assakaasullit useqanngitsut usillilluunniit aqqusinertigut ingerlaqqusaanngillat, tamakkiisumik oqimaassusaat makkunanit qaffasinneruppata:

- 1) Pingasunik akselillit: 24.000 kg-nit oqimaanneruppata.
- 2) Sisamanik amerlanerusunilluunniit akselillit: 32.000 kg-nit oqimaanneqaruppata.

3) Biilit kalitallit: 48.000 kg-nit oqimaanneruppata, takuulli § 11.

§ 11. Biilit kalitallit, kalitsisusooq nalinginnaasumik 9-t tikillugit ilaaffigineqarsinnaasumik angissuseqarluni imal. tassaalluni biili nioqqutissanik assartuutaasoq (varebil), kalitaalu immikkut unissaateqarani (bremse), taava kalitarisaq kalitsisup biili oqimaassusiata affaa sinnerlugu oqimaassuseqassangilaq. Kalitaatali tamakkiisumik oqimaassusia kalitsisusup tamakkiisumik oqimaassusianit 1,5-eriaammik oqimaannerussangilaq.

§ 12. Qamut (biili) manissunik assakaasulik (valser), aammalu pullattagaanngitsunik gumminik assakaasulik, useqarani useqarluniluunniit aqqusinikkut ingerlaqqusaanngilaq, biili kalitaqartorluunniit tamakkiisumik 15.000 kg-nik qaffasinnerusumik oqimaassuseqarpat 0,2 meterilli tamaasa takinerugaangat oqimaassuserisinnaasaa 250 kg-nik ilaneqartarluni, taamallu biilip kalitaqartullu saarpiaaniit tunorpiaanut akseleqarnera 2,5 meterinit annerusumik akuttussuseqarluni.

Imm. 2. Qamutit (biilit), ilaannakuusumik tamakkiisumilluunniit qitequtaasanik nivattaatitut ittunik "assakaasullit" (larvefødder) pineqartillugit, "assakaasut" aqquserngullu akornanni naqitsineq/sunniineq assakaasut kaaviffigisai salliusup kingullerpaajusullu meterimut akuttussutsit akunnerat 4.000 kg-mit annerusumik naqinneqarsimassanngilaq tamakkiisumillu oqimaassuseq 16.000 kg-nit annertunerussanani.

§ 13. Biilip sananeqarnerani annertunerpaamik tamakkiisumik oqimaassutsit tunngaviusut qaanerlugit sunnerneqartassanngillat.

§ 14. Politiit aqqusinernut ikaartarfinnullu oqartussaasut isumaqatiginninniarfigereerlugit akselit naqinneqarsinnaanerannut killiliussat qaangerneqarnissaat akuersaarsinnaavaat, assartuiniarneq allatut ingerlanneqarsinnaanngitsutut naliliigunik. Politiinit akuersissut ingerlanermi nassarneqartassaaq.

Kapitali 5

Blokvogne/qamutit immineq ingerlasinnaasut kalinneqartut angissutsimut/oqimaassutsimut killiliussat qaangerlugit oqimaassusillit

§ 15. Blokvognitut taaneqartut taamaallaat politiit akuersissuteqarnerisigut assartorlugit ingerlanneqarsinnaapput taakku tunngavissatut killiliussaak killigalugit. Akselip, bogietrykimik taaneqartup aammalu tamakkiisumik oqimaassutsit qanoq annertutiginissaat aaliangerneqasapput, aqqusinernut ikaartarfinnullu oqartussaasut isumaqatigiissuteqarfiginerisigut. Politiillu akuersissutaasa pappialartai ingerlanermi nassarneqartassapput.

Kapitali 6

Killiliussanik unioqqutitsinerit

§ 16. §§ 2-4, § 5, 2. pkt., § 6, imm. 1, §§ 7 aamma 8, § 9, 2. pkt., §§ 10-13, § 14, 2. pkt., aamma § 15, 1. og 3. pkt.-imi allassimasut unioqqutinneqarpata akiliisitsisoqarsinnaavoq.

Kapitalil 7

Atuutilerfissat il.il.

§ 17. Politidirektøri (politiit qullersaat) immikkut akuersisoqarsinnaaneq tunngaviutillugu, aaliangiisinnaavoq, pineqartumut atatillugu nalunaarummi allassimasut iluanni atuuttussaa-junaarsitsisoqarsinnaasoq. Taamaattuni politidirektøri immikkut malittarisassiuussisinnaatitaavoq. Malittarisassiarineqartullu unioqqutsinneqarpata akiliisitsisoqarsinnaavoq.

§ 18. Nalunaarut atuutilissaaq ulloq 1. juni 2024 aallarnerfigalugu.

Imm. 2. Qamutit (biilit) Kalaallit Nunaanni akseliisa qanoq naqinneqarlutik sunnerneqarsinnaa-nerinut aammalu tamakkiisumik oqimaassutsinut atatillugu nalunaarut nr. 140, 27. marts 1979 - imeersoq atorunnaassaaq.

§ 19. Nalunaarut atuutinngilaq pineqartillugit illersornissamut attuumassuteqartut, art. II, nr. 3-imi allanneqarsimasunut ilaasut, tunngavigalugit Københavnimi ulloq 27. april 1951-imeersumi Kalaallit Nunaata illersorneqarnissaa pillugu Den nordatlantiske Traktat-ip Naalagaaffeqatigiiffimmi naalakkersuisuusut aammalu USA-p akornanni isumaqatigiissutitut atsiugaasumik allassimasut.